



T3060/6031b

9

CM 0	1	2	3	4	5	6	7	8	9	10	11	12	13	14	15	16	17
Lab D50 2	95/0/2	81/0/0	66/0/0	50/-5/-22	51/0/1	35/0/0	20/0/0	29/19/-54	55/-39/33	40/9/-43	42/57/29	82/4/79	31/21/-21	51/50/-13	72/-23/57	50/-28/-29	73/19/68
	38/14/16	66/16/18			43/-14/21	55/-9/-25	71/-32/0	62/34/60			52/48/17						

Harvard College Library Imaging Services <http://imaging.harvard.edu>





同州府
同州府
同州府

同

州

府

同

州

府

同

州

府



第一

第二

第三








少華山圖












神木縣境





緜德州境








宜川縣境


杜州原











渭

水

圖

西

東



合水縣境

安化縣界

洛水自安化縣
合白豹川入境

瑤瑤廟
水自定
邊縣
入境




保安縣境



安塞縣境

艾蒿街


白水縣界

蒲城縣境










五龍山



西溪

西溪塘





半截山




少華山




怡山潭


怡山廟




華嚴廟圖






寧壽閣







王
泉
隗
圖










周臺觀圖





雲臺觀



朱子祠







關中勝蹟圖志卷九

哈佛大學漢和圖書館珍藏印

兵部侍郎兼都察院右副都御史陝西巡撫臣畢沅纂

地理

同州府釋名元和郡縣志禹貢云漆沮既從澧水攸同

言二水至此同流入渭城居其地故曰同州路史春秋

地圖謂同州為邠國其取名以此謹案兩說異同州志又謂城南九龍泉九

源同流故名沿革一統志治在省城東北二百四十里禹貢

雍州之域戰國時魏臨晉邑秦置臨晉縣謹案元和志本大荔戎地

秦獲之更名臨晉蓋漢屬左馮翊後漢建安初為馮翊

郡治謹案後漢志馮翊屬司隸領十三城晉改縣曰大荔謹案元和志本漢臨晉武帝改

為大荔縣後魏太和十一年置華州及華山郡改縣曰華陰

西魏改郡縣皆曰武鄉改州曰同州謹案廢帝三年改隋開皇

初廢郡存州大業初改縣曰馮翊改華州為馮翊郡唐

武德初復曰同州謹案據唐志為武德元年天寶初曰馮翊郡謹案天寶

元乾元初復曰同州謹案乾元三年隸關內道五代因之宋曰

同州馮翊郡定國軍節度屬永興軍路金屬京兆府路

元初以州治馮翊縣省入屬奉元路明屬西安府府志

本朝雍正三年直隸陝西布政使司領縣四曰朝邑郃陽

澄城韓城十三年改置同州府以州所治置大荔縣復

改華州直隸州及所領之潼關縣為廳華陰蒲城二縣

並來屬焉又以耀州所屬之白水來附今共領縣八曰

大荔朝邑郃陽澄城韓城華陰蒲城白水州一曰華州

廳一曰潼關形勝北魏安定王燮表羌魏兩民之交許

洛水陸之際先漢之左輔皇魏之右翼形勝名都實惟

西藩奧府白居易張正甫為同州刺史制馮翊吾左輔

也分理浩穰率先風化又除裴向同州刺史制馮翊之

地密邇京郊分內史之政叅京師之化李虞仲同州刺

史兼防禦使制商原故地灃水攸同襟帶山川接軫甸

服掌離宮之管鑰領近關之式遏通志前臨沙苑後枕

許岡左接平原右帶維水府城太平寰宇記同州所理

關中勝蹟圖志 卷九 二

城大統元年王羆築通志城昉于秦蓋厲共公滅大荔而築者元魏改州治于李潤堡刺史元燮表還馮翊舊城唐易爲方城明嘉靖乙卯地震城圯重築周九里有奇高三丈池深丈餘廣倍之門四東南曰大安西南曰普濟東北曰長寧西曰永定

大荔縣釋名史記匈奴傳平王末洛川有大荔戎通志晉武帝以大荔戎築城于此因名縣沿革府志附郭

本朝雍正十三年升同州直隸州爲府以州所治地置今縣

朝邑縣釋名元和郡縣志以北據朝阪爲名沿革一統

志治在府東三十里漢臨晉地

謹案括地志臨晉故城在縣西南二里

後

魏太和十一年置南五泉縣屬澄城郡西魏改曰朝邑

隋屬馮翊郡唐初屬同州

謹案武德三年析置河濱縣貞觀中省

乾元三

年割屬河中府改名河西大歷三年復曰朝邑仍屬同州五代宋金元明不改

本朝因之形勝府志洛水浩蕩于前華原峻嶒於後黃河

左帶馮翊右連縣志界屬秦晉襟帶河渭左蒲關而右

同華縣志明景泰二年建嘉靖乙卯地震後重築

周四里門五

邵陽縣釋名詩在洽之陽

謹案說文引詩作邵是邵正字洽借字也史記六國表又

作合是漢書注應劭曰縣在郃水陽故名徐廣史記音

義郃陽國名謹案漢高帝八年封劉仲為郃陽侯故廣云爾沿革一統志治在

府東北一百里漢縣屬左馮翊後漢初廢謹案建武中廢也永

平二年復置仍屬左馮翊晉因之後廢謹案宰莘退食錄晉屬馮翊郡

後魏太和二十年復置屬華山郡謹案郃陽後魏屬華州西魏屬同州

後周屬澄城郡隋屬馮翊郡唐武德三年割屬西韓州

謹案唐志作八年貞觀八年還屬同州五代梁改屬河

中府後唐天成元年復故宋因之謹案唐析郃陽置河西縣乾元中為夏陽

至熙寧四年始金貞祐三年改屬楨州元初復屬同州

明不改

本朝因之形勝封域志黃河左環大谷右繞宰莘退食錄

控延安障同州唇齒澄韓朝邑府志乳羅面其南梁山

負其北東帶黃河西襟金水縣城府志西魏大統三年

同州刺史王羆建後圮明正統十四年重築周八里有

奇門四

澄城縣釋名通志本春秋晉徵邑漢置徵縣後魏為澄

城縣元和郡縣志徵澄同音後人誤為澄通典徵澄音

相近故名謹案左傳取北徵杜預注未詳蓋即此地沿

革一統志治在府北一百里漢徵縣屬左馮翊後漢廢

謹案光武晉為郃陽縣地謹案寰宇記徵縣後魏真

省入重泉漢省晉復置尋又省

君七年置澄城縣兼置澄城郡謹案元和志太武七年分郃陽置又于縣理置郡隋開皇初郡廢以縣屬馮翊郡唐屬同州謹案武德三年析置長寧縣貞觀八年省五代梁改屬河中府後唐同光中復故宋金元明不改

本朝因之形勝杜牧同州澄城縣功倉戶尉廳壁記其地西北山環之縣境籠其趾沙石相礪縣志前拱原阜後倚山壠大谷繞其左甘泉羅其右縣城通志後魏時建周三里有奇門四

韓城縣釋名路史向之韓城即韓原也一曰宗邱謂之少梁雍勝畧隋置韓城縣以古韓國為名沿革二統志

治在府東北二百二十里本古梁國戰國初為魏少梁

邑秦置夏陽縣謹案水經注秦惠王三十一年更名漢屬左馮翊後漢因

之晉屬馮翊郡後魏屬華山郡後省入郃陽隋開皇十

八年改置韓城縣屬馮翊郡謹案隋志及元和志並云開皇中置惟通典以為後

周分郃陽縣置唐武德三年屬西韓州八年徙州治此貞觀八

年州廢以縣屬同州天祐二年改名韓原縣五代梁改

屬河中府後唐天成元年復曰韓城還同州宋因之金

貞祐三年升為楨州元至元元年州廢六年以縣屬同

州謹案元志至元元年州廢二年再立六年又廢明不改

本朝因之形勝王盛重脩儒學記龍門界其東北大河中

瀉而左旋梁山鎮于西南濠水內出而右遶通志西枕

梁麓北峙龍門諸水帶其前大河遶于外縣城通志詩

溥彼韓城燕師所完者後無攷唐王勃有登城樓寓望

序金大定四年改置楨州修築之周四里百五十九步

門四謹案詩韓城王肅以為在涿郡方城縣以鄭康成詩箋考之非也

華陰縣釋名通志本禹貢華陰地漢書地理志高帝八

年更名峽山在南沿革一統志治在府西南一百六十

里戰國魏陰晉邑秦惠文王六年更名寧秦謹案水經注作五年

漢高帝八年改曰華陰屬京兆尹為京輔都尉治謹案

又有船司空京兆縣名鄭樵通志以為後漢省入華陰船司空即今之三河口也漢志又云渭水東至船司空

入河通典云船司空故縣在華陰縣東北十五里

後漢建武十五年改屬宏農

郡晉因之後魏屬華山郡

謹案胡三省通鑑注曰晉分宏農之華陰京兆之鄭馮翊

之夏陽置華山郡十六國春秋姚興寇湖城晉華山太守董遇降之似華山郡晉世已有之然晉志不載胡注

未詳所本附志以備參攷隋屬京兆郡唐屬華州垂拱元年改曰仙

掌神龍元年復曰華陰上元二年改曰太陰謹案寰宇記作寶歷

中改者誤寶應元年復曰華陰五代宋金元明不改

本朝因之府志初屬華州雍正十三年改屬同州府形勝

華山記晉之西鄙則曰陰晉秦之東邑則曰寧秦元一

統志太華為屏首陽為衛渭洛遶其北大河營其東四

鎮之咽喉滇蜀之門戶也馮從吾縣志序三峰壁立河

渭環拱如帶府志左據潼關雄鎮右引下邳洪流縣城

縣志本隋唐舊址元至正十八年達魯花赤脫力白修

築明嘉靖四十二年重築周二里九分門三唐司空圖

詩丹霄能有幾層梯懶更揚鞭聳翠峴

偶凭危欄且南望不勞高掌欲相攜蒲城縣釋名太平寰宇記以縣東故蒲城為名也或云

以縣東有蒲池即小蒲川沿革一統志治在府西八十

里秦置重泉縣謹案括地志重泉故縣在今縣東南四十五里府志云秦簡公置漢屬

左馮翊後漢因之晉屬馮翊郡後廢後魏太和十一年

置南白水縣屬白水郡謹案魏志分白水置寰西魏改

縣曰蒲城謹案寰宇記隋屬馮翊郡謹案開皇廢郡唐

初屬雍州開元四年改曰奉先天祐三年改屬同州後

唐還屬雍州謹案長安志云天祐三年復屬同州宋建隆中屬同州開寶

四年復曰蒲城天禧四年改屬華州金元明不改謹案

統中省至元二年復置

本朝因之府志雍正十三年改屬同州府形勝鄭松修學

記前峙二華諸峰之秀旁連涇渭大河之流通志左襟

洛水右接龍原北枕堯山南臨大泊縣城通志西魏時

建明景泰嘉靖間修周八里有奇門四

白水縣釋名通典秦文公分清水為白水即此元和郡

縣志後魏置白水縣縣南臨白水因以為名沿革一統

關中勝蹟圖志

卷九

七

志治在府西北百三十里漢置粟邑縣謹案粟邑即春秋時彭衙地雍

勝畧曰淮南子蒼頡造書天雨粟即此處屬左馮翊後漢初廢永元九年復

置晉因之後廢後魏太和二年始置白水縣兼置白水

郡謹案魏志分澄城置隋郡廢以縣屬馮翊郡唐屬同州五代宋

金元明不改

本朝雍正三年屬耀州府志十三年改屬同州府形勝馬

樸文昌閣記前峙堯龍後擁秦馬左襟洛川右帶白水

府志漆流西抱曉律南嶠洛水東環秦山北枕縣城通

志相傳唐尉遲恭監築元末兵燹主簿丁華權移治于

南臨川明洪武三年還舊治後屢經修築周五里門四

華州釋名通志州南有少華山東連太華州以取名焉

沿革一統志治在府西南百八十里周為鄭國謹案穆天子傳

天子入于南鄭郭璞注今京兆鄭縣也是周時又有南鄭之稱春秋屬晉戰國為秦魏

二國境秦置鄭縣漢屬京兆尹後漢因之晉屬京兆郡

後魏太平真君元年置華州郡謹案後魏華州郡治在同州華山郡治在華州

州郡各治一城孝昌二年置東雍州西魏始改州曰華州隋開

皇三年郡廢大業二年州廢縣屬京兆郡義寧元年復

置華山郡謹案唐志析京兆之鄭華陰置唐武德初仍曰華州垂拱元

年改曰太州神龍元年復故天寶初改華陰郡乾元初

復故上元二年又改太州寶應元年仍曰華州屬關內

關中券貴圖志卷九

道乾寧四年升州為興德府光化三年復曰華州五代

因之謹案唐同光元年為鎮國軍周顯德元年仍降為州宋曰華州華陰郡兼鎮

潼軍節度使屬永興路金屬京兆路元以州治鄭縣省

入屬奉元路謹案元初省縣入州于至元十二年又明復縣見元史世祖本紀編志者不及之

屬西安府

本朝雍正三年直隸陝西布政使司府志十三年改屬同

州府形勝冊府元龜東雍地界山河境連胡蜀形勝之

會楊矩授韓建華州刺史制馮翊近藩襟帶河渭梁肅

鄭縣尉廳壁記自洛而東東距洛師抗雒多臨大道其

縣有七若接壤天府號因舊國分鄭為之首元一統志

前據華岳後臨涇渭左控桃林之塞右阻藍田之關所

謂百二之勝天府之國也謹案元時華州轄華陰縣故形勝如此州志位

曰上游為函谷咽喉之地州城通志唐永泰元年節度

使周智光建元至正中拓修明嘉靖乙卯地震城圯重

築周七里有奇門四

潼關廳釋名通志潼關因地有潼水水經注河在關內

潼激關山因謂之潼關謹案呂氏春秋九藪秦之陽華晉地記以為即潼關潘岳西征

賦溯黃巷以濟潼李善注引雍州圖經云潼水在華陰

縣界者即此秦函關本在靈寶漢改置新安自潼關設

而二關沿革一統志治在府西北六十里漢華陰縣地

後漢建武中始置潼關謹案潼關自漢以後並為華陰縣地至唐天授中曾一置潼津

縣隸魏州明洪武七年設潼關守禦千戶所屬陝西都長安中省司九年置潼關衛屬河南都司永樂六年改隸中軍都督府

本朝改隸西安府雍正二年裁潼關衛歸併同華等州五年置縣屬華州府志十三年改屬同州府形勝元和郡縣志上躋高隅俯視洪流盤行峻極實謂天險河之北岸則風陵津北至蒲關六十餘里河山之險迤邐相接自此相望川涂曠然元史南據連山北限大河縣志關之南秦嶺雄峙東南有禁谷之險北有洛渭二川會黃河抱關而下西則華岳三峰聳環諸山高出雲霄關城

通志宋熙寧中侍御史陳洎築明洪武五年重築後屢修北臨洪河東南跨麒麟山西南跨鳳象二山周一十七里有奇門六

關中勝蹟圖志卷九終

關中勝蹟圖志

